



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Trg pravde 10, 76100 Brčko distrikt Bosne i Hercegovine; tel: 049/217-955; faks: 049/235-070; e-pošta: pkbd@pkbd.ba

Broj: SuPK-00-362/26-I
Brčko, 06. 03. 2026. godine

Zapisnik
sa 132. vanredne sjednice Pravosudne komisije Brčko distrikta BiH
održane 06. 03. 2026. godine u 09.00 sati, sa sljedećim

Dnevnim redom

1. Rang lista sa preporukom za izbor kandidata, sekretar Pravobranilaštva Brčko distrikta BiH, na određeno vrijeme;
(izvjestilac: Rade Mitrović)
2. Razno.

PRISUTNI SU:

1. SAFET PIZOVIĆ, predsjednik Pravosudne komisije Brčko distrikta BiH,
2. DAMJAN KAURINOVIĆ, predsjednik Apelacionog suda Brčko distrikta BiH,
3. DRAGAN TOMAŠ, predsjednik Osnovnog suda Brčko distrikta BiH,
4. RADMILO IVANOVIĆ, v.d. glavnog tužioca Tužilaštva Brčko distrikta BiH,
5. DEJAN ĐUROVIĆ, pravobranilac Pravobranilaštva Brčko distrikta BiH,
6. MEHMED BEĆIĆ, član Komisije iz reda građana, putem audio linka,
7. MILIVOJE VASIĆ, član Komisije iz reda građana,
8. IVAN LOVRIC, član Komisije iz reda građana, putem audio linka.

Sjednica je počela u 09.05 sati.

Konstatuje se da sjednici prisustvuje 8 (osam) članova i to lično prisustvuje 6 (šest) članova Komisije, dok su Ivan Lovrić i Mehmed Bećić, članovi Komisije iz reda građana, prisutni putem audio linka. Predsjednik Ustavnog suda BiH, Mirsad Ćeman, opravdano je odsutan.

Sjednici prisustvuje i sekretar Pravosudne komisije, Rade Mitrović.

Predsjednik Komisije otvara 132. vanrednu sjednicu Pravosudne komisije Brčko distrikta BiH s predloženim dnevnim redom, te predlaže da se isti dopuni sa tačkom: „Donošenje Odluke o utvrđivanju skraćenog radnog vremena u pravosudnim institucijama Brčko distrikta Bosne i Hercegovine povodom obilježavanja praznika Brčko distrikta Bosne i Hercegovine u 2026. godini “.

Na prijedlog predsjednika, Komisija je jednoglasno usvojila predloženi i dopunjeni dnevni red.

Prelazi se na prvu tačku dnevnog reda.

1. Rang lista sa preporukom za izbor kandidata, sekretar Pravobranilaštva Brčko distrikta BiH, na određeno vrijeme

Konstatuje se da je Pravosudna komisija jednoglasno potvrdila Rang listu sa preporukom za izbor sekretara Pravobranilaštva Brčko distrikta BiH, na određeno vrijeme, na kojoj je Musić Dženana, Bošnjak, prvorangirani kandidat, sa ostvarenih 248,4 boda.

2. Donošenje Odluke o skraćenom radnom vremenu u pravosudnim institucijama povodom obilježavanja praznika Brčko distrikta Bosne i Hercegovine u 2026. godini;

Konstatuje se da je Pravosudna komisija jednoglasno donijela sljedeću

Odluku

o utvrđivanju skraćenog radnog vremena u pravosudnim institucijama Brčko distrikta Bosne i Hercegovine povodom obilježavanja praznika Brčko distrikta Bosne i Hercegovine u 2026. godini

Član 1

Ovom odlukom utvrđuje se skraćeno radno vrijeme u pravosudnim institucijama Brčko distrikta Bosne i Hercegovine povodom obilježavanja praznika Brčko distrikta Bosne i Hercegovine u 2026. godini, i to:

- Dan uspostavljanja Brčko distrikta – 6. mart 2026. godine (07,30 - 13,30 sati);
- Praznik rada – 30. april 2026. godine (07,30 – 13,30 sati);
- Nova godina – 31. decembar 2026. godine (07,30 – 13,30 sati).

Član 2

Ova odluka stupa na snagu danom donošenja.

3. Razno

Sekretar Pravosudne komisije upoznao je prisutne sa informacijom da je Vedad Osmanović, šef IT službe, dostavio e-mail u kome navodi da je izvršen otpis računara u pravosuđu, iz razloga što se u skladu sa smjernicama VSTV-a, moralo preći na „Windows 11“ operativni sistem, te je izvršen otpis računara koji pomenuti operativni sistem ne podržavaju. Prema otpisu radi se o 151 računaru, te je predloženo da se institucijama uputi dopis za preispitivanjem potrebe za računarima, a u cilju poklanjanja. Druga opcija je pronalazak certifikovane firme koja obavlja poslove uništavanja elektronskog otpada.

Konstatuje se da je Pravosudna komisija jednoglasno donijela zaključak da se izvrši poklanjanje predmetnih računara javnim institucijama.

Potom je sekretar upoznao prisutne da je kontaktiran od strane OHR-a, povodom održavanja sastanka u vezi sa nacrtom Zakona o državnim službenicima i namještenicima u institucijama Brčko distrikta Bosne i Hercegovine. Sekretar je obavijestio predstavnika OHR-a da je potrebno da Zakon službenim putem bude upućen Pravosudnoj komisiji na izjašnjenje, da će potom pitanje biti delegirano na sjednicu Pravosudne komisije na kojoj će se analizirati

odredbe Zakona, te nakon dostavljanja komentara sa sjednice Pravosudne komisije službenim putem, pristupiće se održavanju sastanka sa predstavnicima OHR-a.

Predsjednik Osnovnog suda Brčko distrikta BiH predložio je za narednu redovnu sjednicu Pravosudne komisije tačku koja će se odnositi na izradu određenih dokumenata na kojim insistira Direkcija za finansije Brčko distrikta BiH, a tiče se obaveza koje proizlaze iz Zakona o budžetu Brčko distrikta BiH. Predsjednik navodi da, kada radi se o izradi Mape procesa i godišnjeg izvještaja o finansijskom upravljanju i kontroli, Osnovni sud Brčko distrikta BiH nema kapacitet za izradu navedenih akata, tj. sudije u redovno radno vrijeme nemaju prostora za izradu takvih akata, niti su za isto stručni. Drugi prijedlog predsjednika Osnovnog suda Brčko distrikta BiH jeste da se na narednoj sjednici razmatra tačka koja se odnosi na dopis Sudske policije Brčko distrikta BiH, a u vezi sa problemima koji su nastali prilikom izvršenja mjere pritvora maloljetnih lica, te predlaže da komandir Sudske policije bude na istoj prisutan.

Kako se više niko nije javio za riječ, konstatuje se da je 132. vanredna sjednica Komisije završena u 09.17 sati.

Zapisnik vodila

Olja Klašnić

Predsjednik

Pravosudne komisije

Safet Pizović